

Района пионермүдин гер

Эвтәкнәр кегдсн баахн гер. Нунд джил эдү кемд эн гериг шинкән дуусджала. Энүг пионермүдин Геринь, Садовк селәнә сургъульч болгън ода меднә. Эднә кесгн нам икәр дурлдж, уунд сул цаглари амрцхана.

Пионермүдин Гер гурвхн хората. Тегәд чигн эн гериг эн олдж, цаг-цаглань олзлх эбнә болна. Кружоксин занянь кех, библиотекин кәдлдг цагиг болн нань чигн кегдх олн-зүсн кәдлмшиг пәгинь олдж кецәнә. Бичкдүдт бийсднә юн таасгддг бола, терүгән кехлн бас боомтг болх керг уга. Күн болгън эврәнн седкләрн бийлән керг олдж авдг зөвтә. Минь ним цаглань, кружокс эклдж кәдләд уга бәәтл, бидн эднүр ордж ирвдн.

Түрүн хораднә ордж ирн, хойр кәвүнлә таньлдвдн.

—Мини нерн Валентин,— гидж эднә негн келв.—Эн мини уурм—нерн Толя. Эн хойр уурин нургън мел әдл. Эдниг нег класст сурчана гидж сандж болхмн. Тиним биш бәәж. Валентин 4-ч класст, Толя—2-ч класст сурдг бәәдж. Тегәд чигн эдн оньгстан-оньгстан дегтрмүд умшджахана:

Валентин—„Старик Хотабич“, Толя болхла—„Грузинские сказки“ гидг дегтрмүд умшджана.

Нә, юн эдниг нег-негнүрнә бәрдхв тегәд? Намалнә болхмн! Тинигн гихнә, эднә алькиннә болв чигн ухан-седклнә нег юмнд туслг бәәдж—эдн ик болад бәхләрн, агъарар йовдг кермс йовулдг дасхар седджацхәнә. Болв, терүн күртл ода бийнә хол. Омнән „юннәй конструктор“ тәвчкәд эдн хәләдјацхәнә. Машидиг, бәрдг крансин болн нань олн-зүсн машини белн әнъсәр, зургудинь хәләдјагъад, алькинә болв чигн кедж болхмн. Болв эдн ода деерән, күн суулг стул болн диван белн әнъсәрнә хурагъад кеджәнә.

„Юнъгал әс самолет кеджәх-мб?“—гидж бидн дотран санчкад, сонъсхад келвдн: —Таднд самолет кех кергәтлм!

Тевчнәгъу бәәдлгәгъар кәвүд манур хәләцхәв.

—Самолетд ода бийнә курәд уга бидн,—гидж тәвшүн хәрү бәцхәв.—Самолет кедгиг дасхин кергт, түрүләд талдан кесг юмс кедг дасх кергтә.

Чикәр келгдв! Энүг бидн

тоолсн угавдн. „Нә, конструкторск уулдврмүдтән куцәнәгъустә болгн!“—гидж келәд бидн дарук бәргъурнә орвдн.

Эн бәрд, стол деернә газетс болн журналмуд кевгнә. Гурвн бичкн куукн, наадк умшачнрт харшлшгогъар, шимлддж хооридан кууилләд, журналин зургудинь хәләдјацхәнә.

—Альк класст сурчанат?—гидж бидн бас шимлдаж сурвдн.

—Хойрдгчд,—гидж нег шудрмг куукн хәрү бәв.

—Нам гигъит! Хойрдгч класст орсн болхуговт—тигхлә?

—Э!

—Ямаран сенр журналмуд уунд бәәнә?—гидж бидн соньмсдж сурвдн.

—„Мурзилка“,—гидж бас тер шудрмг куукн хәрү бәв. Наадк хойр куукн бас толгъагъан геклдихәв.

Нег куукн гартан „Пионер“ гидг журнал бәрджәсинь, тер журналин зургудинь эдн гурвулн хәләдјасинь үзчкәд, бидн сурвдн:

—„Пионер“ гидг журнал сәний?

—Э, сән—гисн хәрү авбвдн.

—Ямаран журнал цугъарәгъәснә икәр таасгднә? Алькинә умшхдан дуртавт?

—„Мурзилка“.

—„Пионер“ журнал му болджану?

—Бидн ода чигн пионер бишвдн,—гидж манд медүлдж куукд келцхәв.

Эн бәрд бәәсн гәәхүлд бидн оньган бәвдн. Эн гәәхүлд олн-зүсн торгън утцәр хатхад уйсн салфеткс, дорожкс болн нань чигн кесг кәдлмш үзүлгддјәнә. Тедн дунд В. И. Ленинә болн Маяковскийн зургудиг йир сәәнәр хатхмр хатхад уйсн, бәгәтә бәәнә. Уйснә 7-ч классин сургъульчнр Нина Малышева болн Тамара Бугаева. Эн гәәхүлд үзүлгддјәх кәдлмшин кесгн сәәнәр киндж, йоста урн улсин гарар кегдснән, хәләдјәх улсин седклә тәв болдж үлднә. Антонина Романова Душевская эн кружокиг гарднә

Зург цокдгиг болн модн деерәгъур зурад олн-зүсн әрәс кедгиг даслгъна кружокс бас кәдлнә. Эн кружокс кәдлдг кәвүдин кәдлмшнә цугъар уунд үзүлгддјәнә.

Гурвдгч бәрднә—дегтрмүдтә шкафс зогсджана. Хойр зу гар дегтрмүд уунд бәәнә. Бичкдүд икәр дурлдж дегтр умшджахана. Пионерин Гер бичкдүдин библиотектә нииләд бичкн, умшачнрин конференц кенә, бичкдүдт олн-зүсн журналмуд болн газетс бичүлдж авна.

Зуна амрлгәнд бәәсн сургъульчнрт пионерин гер сән амрлгә бурдәдј, Тәрскин газарн йовх, неджәгъад бәдрин поход кех, районн аптектә әм кедг бәс түүдј бәгх, нань кесг юмс тер зураднә хәләддј. Цуг эн келгдсн тоот пионермүдт кесг шин юм үзхднә, сонъсхднә болн дасхднә ик дөнә болх зөвтә.

И. ШАНТАРОВИЧ.